

**Inissiisarfinni ataatsimooqatigiinnissanut ilaatitaannginneq, nakkutigineqarluni inimiititaaneq il.il. pillugit nalunaarut (Ataatsimooqatigiinnissamut ilaatitaannginneq pillugu nalunaarut)**

Kalaallit Nunaanni Pinerluttulerinermi inatsit § 223, imm. 7, § 223, immikk. 2, tak. inatsit nr. 1045 september 2017-meersoq allanngortinneqartoq inatsisikkut nr. 572-kkut 10. maj 2022-aalajangersarneqarpoq:

Malittarisassat ataatsimoortut

**§ 1.** Pinerluttulerinermi inatsit § 223 aamma § 223 a naapertorlugu inissiisarfinniittut ataatsimooqatigiinnerni ilaatitaasinnaatitaassanngillat

*Imm.2.* Aalajangersakkat pinerluttulerinermi inatsisip § 223-aniittut aamma §§ 2-3 aamma §§ 7-8-niittut nalunaarummi uani pineqartut inissiisarfimmeeqqatinut kikkunnulluunniit ataatsimooqateqarnissamut ilaasinnaannginnissamut atuupput, taamaattoq tak. Pinerluttulerinermi inatsit § 223 a.

*Imm.3* Nalunaarut una inissiisarfiup allajangigaanut uunga, inissiisarfimmiittup suliassaatur inissiisarfiup aalajangigaanut akuersinngitsumut suliffiup nalaani inimiiginnarnissaanut imaluunniit allami inissinneqarfimmiinnissaanut atuutinngilaq, tak. Pinerluttulerinermi inatsit § 210, immikk. 3

*Ataatsimooqatigiinnissamut ilaatitaannginneq.*

**§ 2,** Ataatsimooqatigiinnissamut ilaasinnaatitaanngikkallarnermi, tak. Pinerluttulerinermi inatsit § 223, imm. 2 malillugu inissiisarfimmiittoq piaarnerpaamik ilisimatinneqassaaq aalajangiinermi inatsisitigut malittarisassat suut malillugit aalajangiineq pisimasooq aamma oqaaseqarnissaminut periarfissinneqassaaq.

*Imm.2.* Ataatsimooqatigiinnissamut ilaasinnaatitaanngikkallarneq sivisunerusumik atuutinneqassanngilaq ataatsimooqatigiinnissamut ilaatitaasinnaannginneq pillugu apeqqutip/pissutip suliarineqarneranut naleqqiullugu. Ilaatitaanngikkallarneq sivisunerpaamik ullut-unnuillu tallimat atuutissaaq immikkorluinnaq ittunik pissutsinik peqanngippat.

**§ 3.** Ataatsimooqatigiinnermut ilaatitaannginnissaq suli aalajangiunneqartinnagu, tak. Pinerluttulerinermi inatsit 223, pissutsit pillugit naammattunik paasissutissanik aalajangiinnermut pequtaasunik pissarsisoqarsimassaaq. Inissiisarfimmiittoq inunnik allanik ikiortissarsiorsinnaaneramik ilissimatinneqassaaq. Ilanngullugu inissiisarfimmiittoq paasissutissaataasunik, taakkununga ilanngullugit inummut tassunga nalunaarusiutaasimasunik aamma killisiorneqarsimaneramik ilisimatinneqassaaq aamma suliassamut peqataasutut oqaaseqarsinnaatitaassaaq, takugallaak immikk. 5 aamma 6.

*Imm. 2.* Killisiuisoqarsimappat, killisiorneqartup naalisakkap akuerinissaanut periarfissaqassaaq, naalisakkamilu takuneqarsinnaassaaq killisiorneqartup naalisagaq akuerisimagaa. Killisiuineq sulisunik marlunnik nakkutigineqassaaq.

*Imm. 3.* Oqaaseqaasiortoqassaaq, pisimasunik uteqqiisumik, nalunaarutit ilanngullugit, killisiuisoqarsimappallu killisiuinerit ilanngullugit, aaliangiinermit tunngavilersuutaasinnaasut. Oqaaseqaammi ilaassapput aaliangiinerup inernerit, tassungalut tunngaviusimasut. Tunngavilersuutaasuni ilaassapput inatsisinut innersuutit, aaliangiinermit atorneqarsimasut, aaliangiinermit suut najoqqutarineqarsimanersut, soorlu pisut allattorsimassasut, aaliangiinermit tunngavilersuutaasimasut allaqqassasut. Oqaaseqaammi aamma ilaassapput paasissutissat

- 1) qanga aaliangiineq tunngavilersuutillu inissiisarfimmiittumut nalunaarutigineqarsimanersut,
- 2) Inissiisarfimmiittoq paasitinneqassaaq suut inatsisit aaliangiinermit maleruarneqarsimanersut, aammalu

3) Inissisarfimmiittoq paasitineqassaaq aaliangiineq Pinerluuteqarsimasunik Isumaginnittoqarfiup pisortaanut maalaarutigisineqarsinnaammat, qaqugulu maalaaruteqarnissaq killeqarnersoq, tak. Pinerluttulerinermi inatsit § 245, imm. 1.

*Imm. 4.* Inissisarfimmiittup piumasarippagu imm. 3-mi eqqaaneqartoq oqaaseqaat assilineranik pisinnaavoq, tak. imm. 5.

*Imm. 5.* Allagaatinik takunnissinnaatitaanermut piginnaatitaaffik killilerneqarsinnaavoq, ingerlatsinermi inatsisiliorneq naapertorlugu, ima annertutigisumik killilerneqarsinnaavoq, pineqaatissineqartup allagaaraq pisariaqartitaminut atorsinnaanera nigorterniarlugu, namminermut allanulluunniit namminersortunut imaluunniit pisortat soqutigisaannut, assersuutigalugu inissisarfimmiittoq isumannaatsuuneranut, imaluunniit inuunnaat illersorneqarnerannut aalajangiisuusinnaammat.

*Imm. 6.* Inissisarfimmiittoq illuatungip allagaataanik takunnissinnaatitaanngippat, ingerlatsinermi inatsit naapertorlugu, illuatungiusoq tusarniaaffigineqassanngilaq.

**§ 4.** Inissisarfimmiittut ullut 14-it sinnerlugit ataatsimooqatigiinnissamut ilaatitaasinnaanngitsut t, annertuumik pisinnaatitaanerminnik neqeroorutinillu siunnersorneqassapput, manna aalajangersagaq t § 5-lu naapertorlugit. Tarnikkut peqqissutsip artorsartinnissaa millisarniarlugu, ataatsimooqatigiinnissamut ilaatitaasinnaannginnermi takkuttartoq, sulisut nakkutigisussaavaat inissisarfimmiittoq ullut 14-it sinnerlugit ataatsimooqatigiinnissamut ilaatitaasinnaanngitsut, annerusumik sulisunik nakkutigineqarnissaminik pisariaqartitsinersoq, nakorsamiit takuneqassanersoq, tassunga ilanngullugu tarnip nappaataanut nakorsamit il.il takuneqassanersoq. Sulisut tamanna nakkutigisassaraat ataatsimooqatigiinnissamut ilaatitaannginnerup sivitsoriartornerani pisariaqartitsineq annertusiartortarmat.

*Imm. 2.* Inissisarfimmiittutullut 14-it sinnerlugit ataatsimooqatigiinnissamut ilaatitaasinnaanngitsut t pillugit, sulisut immikkut eqqumaffigissavaat, inissisarfimmiittup torersuunissamut isumannaatsuunissamullu inissisarfimmi malittarisassat innimiginerai malillugit atugarisaanik qasukkaaneq pisinnaammat, soorlu:

1) inissisarfimmiittut t ataatsimoorneranni isersimaartarfimmi imaluunniit ungaluukkat iluani aneernermi,

2) ataatsimoorlutik sulisinnaassammata,

3) sunngiffimmi sammisaqarsinnaammat inissisarfimmiittoq ataaseq amerlanerilluunniit ilagalugit imaluunniit sulisut ilagalugit.*Imm. 3.* Inissisarfimmiittut ullut 14-it sinnerlugit ataatsimooqatigiinnissamut ilaatitaasinnaanngitsut, aammattaq

1) aaliangersimasumik piffissani sivisuumik oqaloqateqarnissaanik, assersuutigalugu palasimik, nakorsamik imaluunniit tarnip pissusiinik ilisimasalimmik neqeroorfigineqartassapput, aamma

2) immikkutittumik kisimiilluni ilinniarsinnaasariaqarpoq sulillunilu, uani ilaapput sammisassaq akuerisaaq, tarnikkut peqqissutsikkut artorsaataasinnaaneranut millisaataasinnaasoq, ataatsimooqatigiinnissamut ilaatitaasinnaannginnermi takkussinnaasoq.

**§ 5.** Inissisarfimmiittoq qaammatit pingasut sinnerlugit ataatsimooqatigiinnissamut ilaatitaasinnaasimannngitsut, § 4-mi eqqaaneqartut sapinngisaaq naapertorlugu nalilersuilluarnerullu kingorna pineqartup piumasai torersuunissaaq isumannaassuserlu tunngavigalugit neqeroorfigineqassaaq

1) isersimaartarfimmik immikkut atortorissaarutilersukkamik, aamma

2) periarfissaqassaaq sivitsukkamik pulaartoqarnissaminut.

§ 6. inissiisarfimmiittut 18-it inorlugit ukiullit, qaqutigooortumik ataatsimooqatigiinnissamut ilaatitaasinnaasimangitsut katillugit sapaatip akunneri sisamat sinnerlugit ataannartumik ilaasinnaatitaasimangitsut , inissiisarfimmiittullu 18-nik ukiullit sinnerlugilluunniit ukiullit, ataatsimooqatigiinnissamut ilaasinnaatitaasimangitsut qaammatit arfinillit sinnerlugit inissiisarfimmiissimasut , §§ 4-mi 5-milu eqqaaneqartuni sammisassani sammisaqartillugit minnerpaamik akunnerit pingasut ullormut inunnik ilaqartinneqartassapput.

*Imm. 2.* Inissiisarfip ittua imaluunniit tamatuminnga piginnaatinneqartoq, sapaatip akunneranut ataasiarluni inissiisarfimmiittoq suleqatigalugu pilersaarusiortoqartassaaq pineqartoq sammisasaqartinniarlugu imm. 1 naapertorlugu.

§ 7. Ataatsimooqatigiinnissamut ilaasinnaatitaannginneq unitsinneqarpat, tak. pinerluttulerinermi inatsit § 223, imm. 4 punkti siulleq, oqaaseqaasiortoqassaaq ataatsimooqatigiinnissamut ilaasinnaatitaannginnerup naammassineqarnerani

*Imm. 2.* Inissiisarfip aamma isumaliuutiginnissimanagera pinerluttulerinermi inatsit 223, imm. 6, punktut aappaat naapertorlugu ataatsimooqatigiinnissamut ilaasinnaatitaannginneq tamaat ilaannakortumilluunniit unitsinneqassanersoq pillugu oqaaseqaasiortoqassaaq i, isumaliuutiginninnermi ilaassapput ulloq nalunaaqutarlu..

§ 8. Inissiisarfimmiittoq sapaatip akunneri sisamat ataatsimooqatigiinnissamut ilaasinnaatitaasimangippat , Pinerluuteqarsimasunik Isumaginninnermi pisortamut t nalunaarutigineqassaaq. Assinganik nalunaarusiortoqassaaq sapaatip akunneri sisamat naaneri tamaasa. Nalunaarusiornermi ilaassapput ataatsimooqatigiinnissamut ilaasinnaatitaannginneq pillugu suliami oqaaseqaatit assilineri. i

#### *Inimi nakkutigisaasumiittitaaneq*

§ 9. Pinerluttulerinermi inatsit § 223 a malillugu inimi nakkutigisaasumiinneq pisinnaavaoq taamaallaat:

- 1) aserorterineq pinaveersaartinniarlugu
- 2) inissiisarfimmi torersuunissaq isumannaatsuunissarlu pillugit taamaaliornissaq pisariaqarpat imaluunniit
- 3) immikkut nakkutigisaanissaq pisariaqarpat.

*Imm. 2.* Inimi nakkutigisaasumiittitaanissaq pissanngilaq inissiineq imaluunniit akuliunnerup siunertaa aamma narrunarsaaneq taamatullu nuanniitsut akuliunnerup kingunerisinnaasai sakkortuumik ajoqusiinertut isumaqarfigineqarpat.

§ 10. Kalaallit Nunaanni Pinerluuteqarsimasunik Isumaginnittoqarfip pisortaata ini akuerisaa kisimi ini naakutigisaaffittut atorineqassaaq

*Imm. 2.* Ini nakkutigisaaffittut akuerineqarsimasoq siunertanut allanut atorineqassanngilaq pissutsit immikkorluinnaq ittut pissutaanngippata.

§ 11. Inimut nakkutigisaaffimmut inissiineq sapinngisaq tamaat qajassuartumik pissutsit atuuttut malillugit pissaaq

*imm. 2* Inissiineq kipitinneqassaaq taamaattoqarnissanut pissutissaaaruttoqarniarpat

§ 12. Inimut nakkutigisaaffimmut inissiisoqarpat nakorsaag aggersarneqassaaq, imaattoqarpat:

1) napparsimasoqartoq pasitsaanneqarpat, inissiisarfimmiittoq inimut nakkutigisaaffimmut inissinneqarneranut atatillugu ajoqusertoqarpat imaluunniit

2) inissiisarfimmiittup nammineq nakorsaag aggersinneqassasoq piumasarippagu

*Imm. 2.* inissiinermut atatillugu inuk inissitaasoq misissuiffineqassaaq, tak. Pinerluttulerinermi inatsit § 221, immi. 1 aamma imm. 3 aamma 4, sulisut pisariaqanngitsutut nalilinnngippassuk. Pisuni ataasiakkaani

inissiisarfimmiittup atisaanik taarsiinissaq pisariaqarsinnaavoq. Taamaattoqarpat inissiisarfimmiittoq nammineq atisani taarsissagai piumaffigineqarsinnaavoq.

§ 13. Inissinneqarfiup nalaani inissiisarfimmiittoq sulisunit akuttunngitsumik takusarneqartassaaq. Kinaluunnit pineqartumik takusaasoq allalluni oqaaseqaasiussaaq inissiisarfimmiittup qanoq issusianik allannguuteqartoqarsimanngikkaluarpalluunniit. Oqaaseqaat takusaanermi ullulerneqarlunilu nalunaaquttap qassinngorneranik ilaqassaaq aamma takusagaasup qanoq-inneranik paasissutissanik kiisalu aamma inissiinerup attatiinnarnissaa pisariaqarnerseq ilanngullugu.

Imm. 2. Ullut- unnuillu pingasut sinnerlugit inimi nakkutigisaasumiititaanissaq aalajangiunneqarpat inissiisarfik piaartumik Kalaallit Nunaanni Pinerluuteqarsimasunik Isumaginnittoqarfiup pisortaanut nalunaaruteqassaaq. Nalunaaruteqarneq inimi nakkutigisaasumiinnissamut tunngaviusunik itinerusumik nassuiaatitaqassaaq inimi nakkutigisaasumiittariaqarnermut patsisaasut naammassineqarsimanerinek imaqartumik aamma paasissutissanik allaatigineqarsimasunik innersuussisoqassaaq.

*Sivikitsumik nammineq inigisamiititaaneq*

§ 14. Inissiisarfimmiittup sivikitsumik (nalunaaquttap akunnialuini) torersuunissaq isumannaatsuunissarlunniit pissutigalugit inigisaminiitinneqarnissaa pillugu inissiisarfik aalajangiisinnaavoq, tak. Pinerluttulerinermi inatsisisip § 223-ani a, imm. 1.

Imm. 2. Immikkoortoq 1 malillugu aalajangiineq atorunnaassaaq taamaliornermut pissutaasut naleqqukkunnaarpata.

§ 15. Nalunaarut atuutilissaaq ulloq 1. juli 2022

Imm. 2. Nalunaarut nr. 1162 7. december 2009-meersoq atorunnaarpoq

*Kalaallit Nunaanni Pinerluttunik isumaginnittoqarfik, 1.  
juli 2022*

Christian Høygaard